

Аллоҳдан қўрқиши ёдингииздан кўтарилилмасин!



13:45 / 03.01.2020 3268

وَأَعْلَمُوا مَّا لِلَّهِ وَاتَّقُوا لِأَنفُسِكُمْ وَقَدْ مُواشِّتُمْ أَنَّى حَرَثُكُمْ فَأَتُوا الْكُمْ حَرَثُ نِسَاؤُكُمْ

الْمُؤْمِنِينَ وَبَشِّرِ مُلَاقِوهُ أَنَّكُمْ

(٢٢٣)

Бақара Аёлларингиз экинзорларингиздир. Бас, экинзорингизга хоҳлаганингиздай келинг. Ўзингиз учун (яхшилик) тақдим қилинг. Ва Аллоҳга тақво қилинг ҳамда билингки, албатта, Унга рўбарў келувчисиз. Мўминларга хушхабар бер. (Бақара сураси, 223-оят).

Эр хотин орасидаги ҳассос ва нозик алоқа Қуръони Карим оятларида ўзига хос услуг билан тасвирланади. Аввалги оятлардан бирида эр хотинни бир-бирига нисбатан кийим - либос деб таъриф қилинган эди. Бу оятда эса

аёллар әкинзорга ўхшатиляпти. Экинзорга уураң ташланса, ҳосил униб чиққанидек, аёлга әркакдан тушган уруғликдан фарзанд униб чиқишига ишоратан:

«Аёлларингиз әкинзорларингиздир», – дейилмоқда.

Модомики, улар әкинзор әканлар,

«Бас, әкинзорингизга хоҳлаганингиздай келинг».

Яъни «Хоҳлаган вақтингизда, хоҳлаган ҳолатингизда жинсий яқинлик қилинг. Айни чоғда маңсад, күзланган ғоя эсингиздан чиқмасин:

«Ўзингиз учун (яхшилик) тақдим қилинг».

Аллоҳдан қўрқиш, Унга тақво қилиш ёдингиздан кўтарилилмасин.

«Ва Аллоҳга тақво қилинг ҳамда билингки, албатта, Унга рўбарў келувчисиз».

Демак, эҳтиёт ва ҳушёр бўлиш керак. Оятнинг охирида Аллоҳга рўбарў келганда мўминларга яхшилик бўлишини таъкидлаб:

«Мўминларга хушхабар бер», – дейиляпти.

«Тафсири Ҳилол» китобидан